



**Վերականգնողական  
ծառայություններ  
երեխաների ու  
դեռահասների  
համար**

→ **Տեղեկատվություն ծնողների  
համար**

## Խորհրդատվություն և օգնություն Գերմանիայի ողջ տարածքում

### Հեռախոսով՝

Զանգահարե՛ք Գերմանիայի Կենսաթոշակային  
ապահովության ծառայության հետևյալ անվճար  
հեռախոսահամարով՝  
**0800 1000 4800**

Մեր մասնագետները կպատասխանեն Ձեր հարցերին՝  
Երկուշաբթիից հինգշաբթի ժամը 7.30–19.30  
Ուրբաթ ժամը 7.30–15.30

### Համացանցով՝

Շուրջօրյա  
<http://kinderreha.driv.info>

Կամ ուղարկե՛ք մեզ էլ. նամակ հետևյալ էլ. փոստի  
հասցեով՝  
[info@deutsche-rentenversicherung.de](mailto:info@deutsche-rentenversicherung.de).

Դրա համար կարող եք օգտագործել նաև մեր կայքէջի  
„Kontakt“ հատվածը:

### Կոնտակտային տվյալներ

Հրատարակող՝ Deutsche Rentenversicherung Bund  
Geschäftsbereich Presse- und Öffentlichkeitsarbeit,  
Kommunikation  
10709 Berlin, Ruhrstraße 2  
Փոստային հասցե՝ 10704 Berlin  
Հեռախոս՝ 030 865-0, Ֆաքս՝ 030 865-27379  
Կայքէջ՝ [www.deutsche-rentenversicherung.de](http://www.deutsche-rentenversicherung.de)  
Էլ.փոստ՝ [drv@drv-bund.de](mailto:drv@drv-bund.de)  
De-Mail: [De-Mail@drv-bund.de](mailto:De-Mail@drv-bund.de)  
Լուսանկարները՝ Փեթեր Թեշների, Գերմանիայի  
Կենսաթոշակային ապահովագրության դաշնային մարմնի  
լուսանկարչական պահոց, Առաջին էջի նկարը՝ © Մաքս  
Թոփչիի/Ֆոտոլիա  
Տպագրությունը՝ Fa. H. Heenemann GmbH & Co., Berlin

1-ին հրատարակում (10/2017), **Nr. 309**

Այս բրոշյուրը կազմում է Գերմանիայի Կենսաթոշակային  
ապահովագրության ծառայության մամուլի և հասարակության  
հետ կապերի բաժնի աշխատանքի մասը, այն տրվում է  
բացառապես անվճար և նախատեսված չէ վաճառքի համար:

Վերականգնողական բուժման ընթացքում ուղեկցող  
անձը կարող է երեխայի կամ դեռահասի հետ լինել, եթե  
դա անհրաժեշտ է վերականգնողական բուժման  
անցկացման կամ բուժման արդյունավետության  
համար:

Եթե անհրաժեշտություն լինի, որ ընտանիքը  
ներգրավվի վերականգնողական գործընթացում,  
երեխային կարող են ուղեկցել նաև ընտանիքի մի քանի  
անդամներ:

### Ի՞նչպես կարող եք դիմել երեխաների ու դեռահասների վերականգնողական բուժման համար

Բոլոր անհրաժեշտ ձևաթղթերը կարող եք գտնել  
համացանցում՝ <http://kinderreha.driv.info> հասցեով:  
Բոլոր ձևերը կարելի է լրացնել առցանց:

Ձևաթղթերը կարելի է ստանալ նաև Գերմանիայի  
Կենսաթոշակային ապահովագրական  
կազմակերպության տեղեկատու և խորհրդատվական  
գրասենյակներից:

Դուք լրացնում եք՝  
→ (G0200) դիմումի ձևը:

Բուժող բժիշկը լրացնում է՝  
→ (G0612) բժշկական հետազոտության  
արդյունքների մասին եզրակացության ձևը և  
→ (G0600) վճարման հաշվարկի ձևը:

(ցուցում Գերմանիայի Կենսաթոշակային  
ապահովագրական ծառայության համար բժշկական  
հետազոտության արդյունքների մասին  
եզրակացությունը կարող է կազմել ցանկացած բժիշկ)

Դիմումը, բժշկական հետազոտության արդյունքների  
մասին եզրակացությունը և վճարման հաշվարկը պետք  
է ուղարկել Կենսաթոշակային ապահովագրության  
իրավասու մարմնին: Այդ մարմնից Դուք կստանաք  
գրավոր որոշում Ձեր դիմումի վերաբերյալ:

## Սիրելի ծնողներ,

Ձեր երեխաների առողջությունը խիստ կարևոր է Գերմանիայի Կենսաթոշակային ապահովագրության ծառայության համար:

Կենսաթոշակային ապահովագրությունն առաջարկում է հատուկ վերականգնողական ծառայություններ այն երեխաների ու դեռահասների համար, ովքեր քրոնիկ հիվանդ են կամ ում առողջությունը վտանգի տակ է: Վերականգնողական բուժման արդյունավետությունն ապահովելու համար կարող են մատուցվել նաև օժանդակող թերապիայի ծառայություններ:

Այս բրոշյուրը պարզաբանում է կարևորագույն հարցեր երեխաների ու դեռահասների վերականգնողական բուժման վերաբերյալ: Մանրամասն տեղեկատվություն կարող եք գտնել համացանցի հետևյալ կայքէջում <http://kinderreha.driv.info>:

## Ի՞նչպիսի վերականգնողական ծառայություններ կարող են առաջարկվել Ձեր երեխայի համար

Դեռահասային տարիքում վերականգնողական բուժումը կարող է բարձրացնել կյանքի որակը և լավացնել աշխատունակությունը ապագայի համար:

Սակայն սկզբում այն պետք է վերականգնի կամ բարելավի Ձեր երեխայի առողջությունը և ֆիզիկական ունակությունները, որպեսզի նա կրկին կարողանա լիարժեք մասնակցել դպրոցական կյանքին ու լիարժեք անցկացնի ազատ ժամանակը:

## Ի՞նչ է սպասում Ձեր երեխային

Երեխաների ու դեռահասների վերականգնողական բուժման համար առկա են բազմաթիվ մասնագիտացված կլինիկաներ, որոնք տեխնիկապես վերազինված են նորագույն բժշկական ստանդարտներին համապատասխան: Կլինիկայի ընտրության ժամանակ մենք փորձում ենք անհատական մոտեցում ցուցաբերել՝ Ձեր երեխայի կարիքներին համապատասխան:

Որպես կանոն ստացիոնար վերականգնումը տևում է նվազագույնը չորս շաբաթ: Եթե բժշկական տեսանկյունից անհրաժեշտ լինի, այն կարող է նաև երկարացվել:

Սկզբում կկազմվի Ձեր երեխայի վերականգնողական բուժման անհատական ծրագիրը: Ըստ անհրաժեշտության՝ այն կարողնակի բժշկական, մանկավարժական, ֆիզիոթերապևտիկ կամ նաև մասնագիտացված ծառայություններ:

Ձեր երեխան բուժումը կստանա տարիքին համապատասխան խմբում: Որպեսզի դպրոցահասակ երեխաները հնարավորինս քիչ դասեր բաց թողնեն, նրանք կդասավանդվեն հիմնական առարկաների դասերը:

## Ո՞ր հիվանդությունների դեպքում է ցուցված երեխաների և դեռահասների վերականգնողական բուժումը

Երեխաների և դեռահասների վերականգնողական բուժում նախատեսվում է հետևյալ հիվանդությունների դեպքում.

- Ծնչոտիների հիվանդություններ
- Մաշկային հիվանդություններ
- Ավելորդ քաշ
- Սրտի և արյան շրջանառության հիվանդություններ
- Լյարդի ու աղեստամոքսային տրակտի հիվանդություններ
- Երիկամների ու միզուղիների հիվանդություններ
- Նյութափոխանակության հետ կապված հիվանդություններ (հատկապես շաքարախտ)
- Շարժողական ապարատի հիվանդություններ
- Նեյրոլոգիական հիվանդություններ
- Հոգեբանական շեղումներ, վարքագծի խանգարումներ
- Խոսքի զարգացման խանգարումներ
- Քաղցկեղային հիվանդություններ:

Մյուս հիվանդությունների, հատկապես վարակիչ հիվանդությունների դեպքում, վերականգնողական բուժումը հնարավոր չէ:

## Ի՞նչ նախապայմաններ պետք է ապահովվեն

Ծնողներից որևէ մեկը պետք է վճարի կենսաթոշակային ապահովության վճարները:

### Ցուցում

Արդյո՞ք Ձեր դեպքում նախապայմաններն ապահովված են, թե ոչ, կարող եք տեղեկանալ մեր տեղեկատու և խորհրդատվական գրասենյակներից որևէ մեկում:



## Մինչև ո՞ր տարիքը երեխաներին ու դեռահասներին կարող է տրամադրվել վերականգնողական բուժում

Հիմնականում երեխաների ու դեռահասների վերականգնողական բուժման համար կարելի է դիմել մինչև 18 տարեկան դառնալը: Բացի այդ, նաև՝ առավելագույնը մինչև 27 տարեկանը դպրոցում սովորելու կամ մասնագիտական կրթություն ստանալու, կամավոր սոցիալական կամ բնապահպանական տարվա միջոցառումներին մասնակցելու կամ կամավոր դաշնային ծառայության մեջ լինելու ժամանակ: Նույնը գործում է նաև դեռահասների համար, ովքեր հաշմանդամության պատճառով ինքնուրույն չեն կարող հոգալ իրենց կարիքները:

## Ո՞ր ծախսերն են վճարվում

- Երեխայի վերականգնողական բուժման ծախսերը
- Երեխայի կացարանային ու սննդի ծախսերը
- ճանապարհաձախսը
- Ըստ անհրաժեշտության՝ ուղեկցող անձի ծախսերը:

## Ե՞րբ է հնարավոր ուղեկցել երեխային

Այն երեխաների համար, ովքեր դեռ չեն դարձել 15 տարեկան, դիմելու դեպքում կվճարվեն նաև այն անձի ժամանելու և մեկնելու ծախսերը, ով երեխային ուղեկցելու է ճանապարհի ընթացքում: